

**Акафист святому и чудотворцу
НИКОЛАЮ,
архиепископу Мир Ликийских**

Акафист святителю и чудотворцу НИКОЛАЮ, архиепископу Мир Ликийских

Кондак 1

Возбранный Чудотворче и изрядный угодниче Христов, /
миру всему источаяй многоценное милости миро / и
неисчерпаемое чудес море, / восхваляю тя любовью,
Святителю Николае; / ты же, яко имеяй дерзновение ко
Господу, / от всяких мя бед свободи, да зову ти: //

Радуйся, Николае, великий Чудотворче.

Икос 1

Ангела образом, земнаго суща естеством яви тебе вся
твари Создатель; благоплодную бо доброту души твоея
провидев, преблаженне Николае, научи всех вопити тебе
сице:

Радуйся, от утробы матерния очищенный;

радуйся, даже до конца освященный.

Радуйся, рождением своим родителей удививый;

радуйся, силу душевную абие по рождестве явивый.

Радуйся, саде земли обетования;

радуйся, цвете Божественнаго саждения.

Радуйся, лозо добродетельная винограда Христова;

радуйся, древо чудоточное рая Иисусова.

Радуйся, крине райскаго прозябения;

радуйся, миро Христова благоухания.

Радуйся, яко тобою отгонится рыдание;

радуйся, яко тобою приносится радование.

Радуйся, Николае, великий Чудотворче.

Кондак 2

Видяще твоих мир излиание, богомудре, просвещаемся
душами и телесы, дивнаго тя мироточца живоносна,

Никóлае, разумéюще: чудесы́ бо яко водами, благода́тию Бóжиею излива́ющимися, напая́еши véрно вопи́ющих к Бóгу: Аллилу́иа.

Икос 2

Разум неуразумéнный вразумляя о Святéй Трóице, был еси́ в Никéи со святы́ми отцы́ побóрник исповéдания правосла́вныя véры: равна́ бо Отцу́ Сы́на исповéдал еси́, соприсносу́щна и сопрестóльна, Ариа же безу́мнаго обличил еси́. Сего́ ра́ди véрнии научи́шася воспева́ти тебе́:

Ра́дуйся, вели́кий благочéстия стóлпе;

ра́дуйся, véрных прибéжища гра́де.

Ра́дуйся, твёрдое Правосла́вия укреплéние;

ра́дуйся, честнóе Пресвяты́я Трóицы носило́ и похвалéние.

Ра́дуйся, Отцу́ равночéстна Сы́на проповéдавый;

ра́дуйся, Ариа возбесивша́гося от Собóра святы́х

отгна́вый.

Ра́дуйся, óтче, отцев́ сла́вная красото́;

ра́дуйся, всех богому́дрых премудра́я добро́то.

Ра́дуйся, óгненная́ словеса́ испуща́яй;

ра́дуйся, до́бре ста́до своё наставля́яй.

Ра́дуйся, яко́ тобою́ véра утвержда́ется;

ра́дуйся, яко́ тобою́ е́ресь низлага́ется.

Ра́дуйся, Никóлае, вели́кий Чудотво́рче.

Кондак 3

Силою, да́нною ти свы́ше, слезу́ всяку отъя́л еси́ от лица́ лю́те стра́ждущих, богонóсе óтче Никóлае: алчущим бо яви́лся еси́ корми́тель, в пучи́не морсте́й су́щим изрядный прави́тель, недугующим исцелéние и всем всяк помо́щник показáлся еси́, вопи́ющим Бóгу: Аллилу́иа.

Икос 3

Имéяше вои́стинну, óтче Никóлае, с Небесé песнь тебе́ воспева́ема бы́ти, а не от земли́: како́ бо кто от человек возмо́жет твоея́ святы́ни вели́чия проповéдати? Но мы, любóвию твоею́ побежда́еми, вопи́ем ти си́це:

Ра́дуйся, образу́ агнцев и па́стырей;
ра́дуйся, свято́е очисти́лище нра́вов.
Ра́дуйся, добродéтелей вели́ких вместíлище;
ра́дуйся, святы́ни чíстное и честнóе жили́ще.
Ра́дуйся, свети́льниче всесвётлый и вселюбíмый;
ра́дуйся, свéте златозáрный и непорóчный.
Ра́дуйся, достóйный Ангелов собесéднике;
ра́дуйся, дóбрый челове́ков наста́вниче.
Ра́дуйся, пра́вило véры благочестíвыя;
ра́дуйся, образу́ крóтости духо́вныя.
Ра́дуйся, я́ко тобо́ю от страстéй телéсных избавля́емся;
ра́дуйся, я́ко тобо́ю сла́достей духо́вных исполня́емся.
Ра́дуйся, Никóлае, вели́кий Чудотво́рче.

Кондак 4

Бу́ря недоумéния смущáет ми ум, кáко достóйно есть пéти чудеса́ тво́я, блаже́нне Никóлае; никто́же бо мо́жет я́ исчестí, áще бы и мно́ги язы́ки имéл и глаго́лати восхотéл; но мы дíвно Бо́гу, в тебé прославля́ющемся, дерза́ем воспевáти: Аллилу́иа.

Икос 4

Глы́шаша, богому́дре Никóлае, б́лижнии и да́льнии вели́чие чудéс тво́их, я́ко по возду́ху лёгкими́ благодáтными крила́ми нав́икл еси́ сущих в беда́х предваря́ти, ско́ро от тех избавля́я всех, вопи́ющих к тебé тако́вая:

Ра́дуйся, избавлéние от печáли;
ра́дуйся, пода́ние благодáти.
Ра́дуйся, неча́емых зол прогонíтелю;
ра́дуйся, жела́емых благíх насадíтелю.
Ра́дуйся, ско́рый утéшителю в бедé сущих;
ра́дуйся, стра́шный наказáтелю обíдящих.
Ра́дуйся, чудéс пучíно, Бо́гом излия́нная;
ра́дуйся, за́кона Христо́ва скрижа́ли, Богопи́санныя.
Ра́дуйся, крéпкое па́дающих возведéние;
ра́дуйся, пра́во стоя́щих утверждéние.

Ра́дуйся, я́ко тобо́ю вся́кая лесть обнажа́ется;
ра́дуйся, я́ко тобо́ю вся́кая и́стина сбыва́ется.
Ра́дуйся, Нико́лае, вели́кий Чудотво́рче.

Кондак 5

Боготéчная звезда́ яви́лся еси́, наставля́я по мо́рю
пла́вающих лю́те, и́мже смерть предстоя́ще вско́ре
иногда́, а́ще не бы ты предста́л еси́ призыва́ющим тя в
по́мощь, Чудотво́рче святы́й Нико́лае; уже́ бо несты́дно бесо́м
лета́ющим и погрузи́ти корабли́ хотя́щим запрети́в, отгна́л еси́
их, ве́рныя же научи́л еси́ спаса́ющему тобо́ю Бо́гу взыва́ти:
Аллилу́иа.

Икос 5

Видеша отрокови́цы, на брак скве́рный нищеты́ ра́ди
угото́ванныя, вели́кое твоё к ни́щим милосе́рдие,
преблаже́нне о́тче Нико́лае, егда́ ста́рцу роди́телю их но́щию
узельцы́ три злата́ тая́ся подал еси́, самаго́ со дще́рми
избавля́я от паде́ния грехо́внаго. Того́ ра́ди слы́шиши от всех
си́це:

Ра́дуйся, ми́лости превели́кия сокрови́ще;
ра́дуйся, промы́шления о лю́дех приятелище.
Ра́дуйся, пи́ще и отра́до к тебе́ прибега́ющих;
ра́дуйся, хле́бе неснеда́емый а́лчущих.
Ра́дуйся, бога́тство, бе́дне живу́щим на землі́ Бо́гом да́нное;
ра́дуйся, воздви́жение ско́рое убо́гих.
Ра́дуйся, бы́строе ни́щих услы́шание;
ра́дуйся, скорбя́щих приятно́е попече́ние.
Ра́дуйся, три́ех дев непоро́чный невестите́лю;
ра́дуйся, чистоты́ усе́рдный храните́лю.
Ра́дуйся, ненаде́жных наде́яние;
ра́дуйся, всего́ ми́ра наслажде́ние.
Ра́дуйся, Нико́лае, вели́кий Чудотво́рче.

Кондак 6

Проповѣдует мир весь тебѣ, преблаженне Никóлае, скóраго в бѣдáх заступника, яко многажды во едином часѣ по землѣ путешествующим и по мóрю плавающим, предваряя, посóбствуеши, кúпно всех от злых сохраняя, вопиющих к Бóгу: Аллилуиа.

Икос 6

Возсиял еси свет живóтный, избавлѣние нося воевóдам, неправедную смерть прияти имúщим, тебѣ, дóбрый пáстырю Никóлае, призывáющим, егда вскóре явлься во сне царéви, устрáшил еси егó, сих же невреждѣнных отпустíti повелел еси. Сегó рáди с ними кúпно и мы благодарственно вопиём ти:

Рáдуйся, усérдно призывáющим тя помогáяй;
рáдуйся, от неправеднаго убиѣния избавляяй.
Рáдуйся, от лѣстныя сохраняяй клеветы;
рáдуйся, неправедныя разрушáяй совѣты.
Рáдуйся, растерзáяй лжу яко паучíну;
рáдуйся, возношáяй славно íстину.
Рáдуйся, неповíнных от уз разрешѣние;
рáдуйся, и мертвецѣв оживлѣние.
Рáдуйся, проявítелю правды;
рáдуйся, помрачítелю неправды.
Рáдуйся, яко тобóю неповíннии избáвлени от мечá;
рáдуйся, яко тобóю насладíшася свѣта.
Рáдуйся, Никóлае, великий Чудотвóрче.

Кондак 7

Хотя богохúльное еретическое отгнати злосмрадие, мíро войистинну благовóнное, таинственное явйлся еси, Никóлае; люди мирейския упáсл еси и весь мир своим благодáтным мíром испóлнил еси. И от нас úбо богомёрзкое грехóвное злосмрадие отженí, да благоприятно Бóгу вопиём: Аллилуиа.

Икос 7

Но́ваго тя Но́я, наста́вника ковче́га спаси́тельнаго
разуме́ем, о́тче святы́й Нико́лае, бу́рю всех лю́тых
разгоня́ющаго направле́нием сво́им, тишину́ же
Божество́нную принося́щаго вопи́ющим тако́ва́я:

Ра́дуйся, обурева́емых ти́хое пристáнище;

ра́дуйся, утопа́ющих изве́стное храни́лище.

Ра́дуйся, пла́вающих посреде́ пучи́н до́брый ко́рмчий;

ра́дуйся, трево́лнения морска́я уставля́ющий.

Ра́дуйся, превожде́ние су́щих в ви́хрех;

ра́дуйся, согре́яние су́щих во мра́зех.

Ра́дуйся, сия́ние, ско́рбный мрак разгоня́ющее;

ра́дуйся, свети́ло, вся концы́ земли́ просвеща́ющее.

Ра́дуйся, от бе́здны грехо́вныя челове́ки избавля́яй;

ра́дуйся, в бе́здну а́дскую сатану́ вверга́яй.

Ра́дуйся, я́ко тобою́ дерзнове́нно бе́здну милосе́рдия

Бо́жия призыва́ем;

ра́дуйся, я́ко тобою́ от пото́па гне́ва изба́вльшеся, мир с

Бо́гом обрета́ем.

Ра́дуйся, Нико́лае, вели́кий Чудотво́рче.

Кондак 8

Стра́нное чу́до явля́ется притека́ющим к тебе́, блаже́нне
Нико́лае, священна́я твоя́ це́рковь: в ней бо и ма́лое
молéние принося́ще, ве́лиих недúгов приéмлем исцелéние,
а́ще то́кмо по Бо́зе упова́ние на тя возложи́м, ве́рно вопи́юще:
Аллилу́иа.

Икос 8

Весь еси́ всем вои́стинну помо́щник, богонóсе Нико́лае, и
собра́л еси́ вку́пе вся прибега́ющия к тебе́, я́ко
свободи́тель, пита́тель и врач ско́рый всем земны́м, на
похвалу́ всех подви́зая вопи́ти к тебе́ си́це:

Ра́дуйся, всяких исцелéний исто́чнице;

ра́дуйся, лю́те стра́ждущим помо́щнице.

Ра́дуйся, зарé, сия́ющая в но́щи грехо́вней блужда́ющим;

ра́дуйся, росó неботóчная в знóи трудóв сýщим.
Ра́дуйся, подава́яй трéбующим благостроéние;
ра́дуйся, уготóвляяй прося́щим изобíлие.
Ра́дуйся, мно́гажды прошéние предваря́яй;
ра́дуйся, ста́рым седíнам síлу обновля́яй.
Ра́дуйся, мно́гих заблúждших от путí йстиннаго
обличíтелю;
ра́дуйся, та́ин Бóжиих вёрный служíтелю.
Ра́дуйся, я́ко тобо́ю зáвисть попира́ем;
ра́дуйся, я́ко тобо́ю благонра́вное житиé исправля́ем.
Ра́дуйся, Никóлае, вели́кий Чудотво́рче.

Кондак 9

Вся́кия уголи́ болéзни, вели́кий наш заступниче Никóлае,
растворя́я благода́тная врачевáния, усладя́ющая дýши
на́ша, сердца́ же веселя́щая всех усéрдно к по́моци твоéй
притека́ющих, Бóгу же вопи́ющих: Аллилу́иа.

Икос 9

Ветия́ суемúдренныя нечестíвых вíдим тобо́ю
посра́мленныя, богомúдре óтче Никóлае: Ариа́ бо
хúльника, разделя́юща Божество́, и Савéллия, смеша́юща
Святу́ю Трóицу, препре́л, нас же во Правосла́вии укрепíл еси́.
Сего́ ра́ди вопи́ем ти сýще:

Ра́дуйся, щите, защища́яй благоче́стие;
ра́дуйся, мечу́, посека́яй злочестие.
Ра́дуйся, учíтелю Божéственных велéний;
ра́дуйся, губíтелю богопротíвных учéний.
Ра́дуйся, лéстнице, Бóгом утверждéнная, ёю́же восхо́дим к
небесí;
ра́дуйся, покрóве, Бóгом здáнный, ймже покрывáются
мно́зи.
Ра́дуйся, немúдых умудрívый тво́ими словесí;
ра́дуйся, лени́вых подвígнувый тво́ими нра́вы.
Ра́дуйся, свéтлосте за́поведей Бóжиих неугасíмая;
ра́дуйся, лучé оправдáний Господних пресвётлая.

Ра́дуйся, я́ко уче́нием твои́м сокруша́ются ерети́ческия главо́;

ра́дуйся, я́ко тобо́ю ве́рнии сподобля́ются сла́вы.

Ра́дуйся, Нико́лае, вели́кий Чудотво́рче.

Кондак 10

Спасти́ хотя́ ду́шу, плоть твою́ ду́хови покорил еси́ вои́стинну, о́тче наш Нико́лае: молча́ньми бо пре́жде и борёньми с по́мысли, дея́нию богомы́слие приложи́л еси́, богомы́слием же ра́зум соверше́н стяжа́л еси́, и́мже дерзнове́нно с Бо́гом и Ангелы бесе́довал еси́, всегда́ вопи́ющи: Аллилу́иа.

Икос 10

Стена́ еси́ похваля́ющим, преблаже́нне, чудеса́ тво́я и всем к заступле́нию тво́ему прибега́ющим; те́мже и нас, в добродётели убо́гих, от нищеты́, напа́сти, недугов и нужд разли́чных свобождáй, вопи́ющих ти с любóвию тако́вая:

Ра́дуйся, от убо́жества ве́чнаго изыма́яй;

ра́дуйся, бога́тство нетле́нное подава́яй.

Ра́дуйся, бра́шно неги́блющее а́лчущим пра́вды;

ра́дуйся, пити́е неисчерпа́емое жа́ждущим жи́зни.

Ра́дуйся, от мятéжа и бра́ни соблюда́яй;

ра́дуйся, от уз и пленéния свобождáяй.

Ра́дуйся, пресла́вный в беда́х заступни́че;

ра́дуйся, превели́кий в напа́стех заш́итниче.

Ра́дуйся, мно́гих от поги́бели исхитивы́й;

ра́дуйся, безчи́сленных невреждéнно сохра́нивый.

Ра́дуйся, я́ко тобо́ю лю́тыя сме́рти грéшнии избега́ют;

ра́дуйся, я́ко тобо́ю Жизнь Ве́чную ка́ющиися получа́ют.

Ра́дуйся, Нико́лае, вели́кий Чудотво́рче.

Кондак 11

Пéние Пресвяте́й Трóице па́че ины́х принéсл еси́, преблаже́нне Нико́лае, умóм, сло́вом и дéлом: мно́гим бо

испытанием правоверная повеления уяснил еси, верою, надеждою и любовью наставляя нас в Троице Единому Богу воспевати: Аллилуиа.

Икос 11

Светозарную лучу во мраце жития сущим неугасимую
видим тя, Богом избранне отче Николае: с
невещественными бо ангельскими светы беседуеши о
несозданном Троическом свете, верных же души
просвещаеши, вопиющих ти таковая:

Радуйся, озарение Трисолнечнаго света;

радуйся, деннице незаходямаго солнца.

Радуйся, свеще, Божественным пламенем возжженная;

радуйся, яко угасил еси бесовский пламень нечестия.

Радуйся, светлое правоверия проповедание;

радуйся, доброзрачное света евангельскаго сияние.

Радуйся, молние, ереси пожигающая;

радуйся, громе, устрашающий соблазняющий.

Радуйся, истиннаго научителю разума;

радуйся, таинственнаго изъяснителю ума.

Радуйся, яко тобою попрася поклонение твари;

радуйся, яко тобою научихомся поклоняться Творцу в

Троице.

Радуйся, Николае, великий Чудотворче.

Кондак 12

Благодать, данную ти от Бога, сведущии, радуящиеся твою
память празднуем по долгу, преславный отче Николае, и к
чудному заступлению твоему вседушно притекаем;
преславных же твоих деяний, яко песка морскаго и множества
звезднаго исцести не могуще, недоумением объяти бывше,
вопием к Богу: Аллилуиа.

Икос 12

Поюще твоя чудеса, восхваляем тя, всехвальне Николае: в
тебе бо Бог, в Троице прославляемый, дивно прославися.
Но аще и попремногу составленные от души псалмы и песни

принóсим ти, Чудотвóрче святýй, ничтóже творím рáвно даровáнию чудес тво́их, íмже удивля́ющесе, вопи́ем к тебé таковáя:

Рáдуйся, Царя́ цáрствующих и Гóспода госпóдствующих
служítелю;

рáдуйся, служítелей Егó небесных сожítелю.

Рáдуйся, лóдем вёрным поможéние;

рáдуйся, рóда христиáнского возвышéние.

Рáдуйся, побéды тезоименítый;

рáдуйся, венченóсче нарóчитый.

Рáдуйся, всех добродéтелей зерцáло;

рáдуйся, всех притека́ющих к тебé крéпкое забрáло.

Рáдуйся, по Бóзе и Богорóдице все нáше уповáние;


рáдуйся, телес нáших здравие и душ спасéние.

Рáдуйся, я́ко тобóю от вéчных смёрти свобожда́емся;

рáдуйся, я́ко тобóю безконéчных жízни сподобля́емся.


Рáдуйся, Никóлае, вели́кий Чудотвóрче.

Кондак 13

 пресвятýй и пречúдный óтче Никóлае, утешéние всех скорбя́щих, ны́нешнее нáше приими́ приношéние и от ге́енны изба́витися нам Гóспода умоли́ богоприятным тво́им ходáтайством, да с тобóю воспева́ем: Аллилу́иа.

Этот кондак читается трижды, затем Икос 1 и Кондак 1.

Молитва святителю и чудотворцу Николаю, архиепископу Мир Ликийских

 всесвятýй Никóлае, угóднице преизрýдный Госпóдень, тёплый наш застúпниче, и вездé в скóрбех скóрый помóщниче! Помози́ ми, грéшному и уны́лому, в настоящем сем жити́й, умоли́ Гóспода Бóга даровáти ми оставлéние всех мо́их грехóв, ели́ко согрешíх от ю́ности моея́, во всем жити́й моём, дéлом, слóвом, помышлéнием и всёми мо́ими чúвствы;

и во исходе души моея помози ми, окаянному, умоли Господа Бога, всея твари Содетеля, избавити мя воздушных мытарств и вечнаго мучения, да всегда прославляю Отца и Сына и Святаго Духа и твое милостивное предстательство, ныне и присно и во веки веков. Аминь.

Тропари святителю Николаю, архиепископу Мир Ликийскому

Тропарь, глас 4

Правило веры и образ кротости, воздержания учителя яви тя стаду твоему яже вещей истина: сего ради стяжал еси смирением высокая, нищетю богатая. Отче священноначальниче Николае, моли Христа Бога спастися душам нашим.

Кондак, глас 3

В Мирех, святе, священнодействитель показался еси: Христово бо, преподобне, Евангелие исполнив, положил еси душу твою о людех твоих, и спасл еси неповинныя от смерти; сего ради освятился еси, яко великий тайнник Божия благодати.

Величание

Величаем тя, святителю отче Николае, и чтим святую память твою: ты бо молиши о нас Христа Бога нашего.

Тропарь на перенесение мощей святителя и чудотворца Николая, архиепископа Мир Ликийских

Тропарь, глас 4

Приспé день свётлаго торжествá, град Бáрский рáдуется, и с ним вселénная вся ликовствуёт пёсньми и пёнми духовными: днесь бо священное торжествó, в пренесéние честных и многоцелёбных мощей Святителя и Чудотворца Николая, якоже солнце незаходимое возсия светозарными лучами, разгоняя тьму искушений же и бед от вопиющих верно: спасай нас яко предстатель наш, великий Николае.

Кондак, глас 3

Взыдоша, яко звезда, от востока до запада твоя мощи, святителю Николае, море же освятися шествием твоим, и град Бáрский приемлет тобою благодать: нас бо деля явился еси, чудотворец изящный, предивный и милостивый.